



Broj: 05-1-07-12-821-2/26  
Sarajevo, 21.05.2026. godine

**FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI DOM**

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 22-05-2026			
Org. jed.	Broj	Priloga	Vrijednost
05/1	02	307	26

**PREDMET:** Odgovor na poslaničko pitanje, dostavlja se

**VEZA:** Vaš akt broj: 0/1-02-307/26 od 14.05.2026. godine

U vezi poslaničkog pitanja Čavalić Admira, zastupnika u Zastupničkom domu Parlamenta Federacije BiH, koje glasi: „Da li postoje pravne prepreke da gradska/opštinska vijeća u Federaciji Bosne i Hercegovine posebnim odlukama povjere provođenje izbora za savjete mjesnih zajednica gradskim/opštinskim izbornim komisijama, imajući u vidu da se takva praksa već primjenjuje u pojedinim jedinicama lokalne samouprave poput Opštine Centar Sarajevo, Opštine Novo Sarajevo i Grada Visoko, Centralna izborna komisija Bosne i Hercegovine naglašava, da je u skladu sa članom 27. Zakona o upravi („Sl. glasnik BiH“ br: 32/02, 102/09 i 72/17), obavezna odgovarati samo na zahtjev Parlamentarne skupštine Bosne i Hercegovine odnosno na pitanja poslanika/delegata Parlamentarne skupštine Bosne i Hercegovine.

Međutim, bez obzira na prethodno navedeno, Centralna izborna komisija Bosne i Hercegovine daje odgovor kako slijedi:

Odredbom člana 3.1 stav (1) Izbornog zakona BiH („Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) propisano je da je Centralni birački spisak evidencija o državljanima BiH koji imaju biračko pravo u skladu s ovim zakonom i formira se, vodi i koristi za potrebe organizacije i provođenja izbora u skladu sa zakonom, za provođenje referenduma, za provođenje opoziva izabranog funkcionera i izbore organa lokalne samouprave u skladu sa zakonom.

Odredbom člana 3.7. stav (3) Izbornog zakona BiH propisano je da Centralna izborna komisija BiH može utvrditi izvod iz Centralnog biračkog spiska i za druge izborne jedinice za koje se provode određeni izbori, za potrebe provođenja postupka opoziva izabranog zvaničnika i za provođenje referenduma, na osnovu podataka sadržanih u Centralnom biračkom spisku.


Imajući u vidu citirane zakonske odredbe, ističemo da Centralna izborna komisija Bosne i Hercegovine za potrebe provođenja izbora za organe mjesnih zajednica, a po zahtjevu gradskih vijeća, odnosno skupštine opština dostavlja Izvode iz Centralnog biračkog spiska u elektronskom obliku.

Centralna izborna komisija Bosne i Hercegovine kao i gradske/opštinske izborne komisije nisu nadležne za provođenje izbora za organe mjesnih zajednica shodno odredbama Izbornog zakona BiH, ali se u praksi vrlo često dešava da je opštinska/gradska izborna komisija organ za provođenje izbora za savjet mjesnih zajednica na osnovu Odluke gradskih vijeća/skupštine opština.

S poštovanjem,

Dostavljeno:

① Naslovu  
2.a/a



Predsjednik

Jovan Kalaba

**Bosna i Hercegovina**  
**Federacija Bosne i Hercegovine**  
**TUZLANSKI KANTON**  
**VLADA**  
**Ured Vlade**

**Broj: 02/3-04-9765-3/26**  
**Tuzla, 19.05.2026. godine**

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: <b>22-05-2026</b>			
Org. jed.	Broj	Priloga	Vrijednost
05/1	-02-	183	26

**Parlament Federacije BiH**  
**Predstavnički dom**  
**n/r sekretara**

**PREDMET: Odgovor Ministarstva trgovine, turizma i saobraćaja TK na poslaničko pitanje poslanika Čavalić Admira, prosljeđujemo.**

U vezi sa Vašim aktom broj: 05/1-02-183/26 od 30.03.2026.godine, putem koga ste na adresu Vlade Tuzlanskog kantona prosljedili zastupničko pitanje gospodina Čavalić Admira, zastupnika u Predstavničkom domu Parlamenta Federacije BiH, koje smo prosljedili prema Ministarstvu trgovine, turizma i saobraćaja TK, Ministarstvu privrede TK i JU Direkciji regionalnih cesta Tuzlanskog kantona, prosljeđujemo Vam dostavljeni Odgovor Ministarstva trgovine, turizma i saobraćaja Tuzlanskog kantona broj:05-04-133/26 od 12.05.2026.godine, te molimo da isti uručite navedenom zastupniku.

Odgovore JU Direkciji regionalnih cesta Tuzlanskog kantona i Ministarstva privrede TK, u vezi sa istim poslaničkim pitanjem prosljedili smo vam ranije.

S poštovanjem !

**DOSTAVLJENO:**

- 5. Naslovu
- 6. a/a



**SEKRETAR VLADE**

**Enver Čosićkić**



Broj: 05-04-133/26  
Tuzla, 12.05.2026. godine

**Bosna i Hercegovina  
Federacija Bosne i Hercegovine  
Parlament Federacije BiH  
Predstavnički dom  
Hamdije Kreševljakovića br. 3,  
71 000 Sarajevo**

**PREDMET: Odgovori na zastupnička pitanja Admira Čavalića broj: 05/1-02-85/26 od 16.03.2026. godine i 05/1-02-178/26 od 30.03.2026. godine – dostavlja se**

Na Zastupničku inicijativu uvaženog zastupnika u Zastupničkom/Predstavničkom domu Parlamenta Federacije Bosne i Hercegovine Admira Čavalića koje glasi:

**„Inicijativa da se uspostavi autobusna linija na relaciji Aerodrom Tuzla – Grad Tuzla“ dajemo sledeći odgovor.**


Ministarstvo trgovine, turizma i saobraćaja Tuzlanskog kantona je nakon izvršenih svih pripremnih aktivnosti (Usvajanja izmjena i dopuna Zakona o komunalnim djelatnostima TK i donošenja Uredbe Vlade Tuzlanskog kantona o uslovima i načinu organizovanja komunalnog javnog linijskog prijevoza putnika na kantonalnim linijama Tuzlanskog kantona), objavilo tender za nabavku usluge obavljanja komunalne djelatnosti javnog linijskog prijevoza putnika na kantonalnim linijama Tuzlanskog kantona u kojem je definisana početna mreža linija na kojoj se planira organizovati komunalni javni linijski prijevoz putnika na kantonalnim linijama Tuzlanskog kantona u kojoj je između ostalih linija predviđeno uspostavljanje i linije:

**KL16 - Aerodrom Dubrave - Donje Dubrave (Crkva) -Tuzla "MAS".**

Dakle, u vrlo kratkom vremenskom roku, doći će do uspostave autobusna linija na relaciji Aerodrom Tuzla – Grad Tuzla.

S poštovanjem,

Dostavljeno:  
1x Naslovu,  
1x Vlada TK, na znanje,  
1x a/a



**MINISTAR**  
**Almir Žilić, dipl. ecc.**



Broj: 105-07-1-798-2/26  
Sarajevo, 19.05.2026. godine

Primijeno: 22-05-2026			
Org. jed.	Broj	Priloga	Vrijeme
011-02-		271	26

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
ZASTUPNIČKI/PREDSTVANIČKI DOM  
Adresa: Hamdije Kreševljakovića broj 3  
71 000 Sarajevo  
n/r Sekretar**

**PREDMET: Odgovor na zastupničko pitanje zastupnika dr.sc. Admir Čavalić**  
Vaš akt broj: 0/1-02-271/26 od 30.04.2026. godine

Poštovani,

U vezi sa zastupničkim pitanjem zastupnika dr. sc. Admira Čavalića: „Kada se očekuje ulazak u SEPA?“, Centralna banka Bosne i Hercegovine dostavlja sljedeći odgovor.

Bosna i Hercegovina se nalazi u završnoj fazi procesa pristupanja Jedinstvenom području plaćanja u eurima – SEPA. Centralna banka Bosne i Hercegovine, u okviru svojih nadležnosti, koordinira tehničke, institucionalne i operativne aktivnosti usmjerene ka stvaranju preduslova za formalno pristupanje Bosne i Hercegovine SEPA području.

U dosadašnjem periodu ostvareni su značajni pomaci, uključujući pripremu i koordinaciju predaplikacijskog procesa, intenzivnu komunikaciju sa relevantnim evropskim institucijama, kao i saradnju sa domaćim institucijama uključenim u usklađivanje regulatornog okvira sa evropskim standardima.

U ovom trenutku, preostali formalni koraci odnose se prvenstveno na završetak zakonodavnih aktivnosti iz oblasti platnih usluga i elektronskog novca, i to:

- usvajanje Zakona o platnim uslugama u Republici Srpskoj,
- usvajanje Zakona o platnim uslugama u Federaciji Bosne i Hercegovine,
- usvajanje Zakona o elektronskom novcu u Federaciji Bosne i Hercegovine.

Nakon njihovog konačnog usvajanja i prevođenja u finalnoj usvojenoj formi, stvorit će se formalne pretpostavke za podnošenje aplikacije Bosne i Hercegovine za pristupanje SEPA području.

Istovremeno, potrebno je naglasiti da proces procjene spremnosti Bosne i Hercegovine ne zavisi isključivo od formalnog usvajanja navedenih propisa. Dodatni izazov predstavlja činjenica da državni okvir iz oblasti sprečavanja pranja novca i finansiranja terorizma još uvijek nije u



potpunosti kompletiran, zbog čega postoji određeni rizik od eventualnog stavljanja Bosne i Hercegovine na tzv. „grey listu“ Moneyvala.

Iako je suštinski formalni kriterij za SEPA proces činjenica da država nije na „crnoj listi“, iskustva i komunikacija sa evropskim institucijama ukazuju na to da je Evropska komisija, odnosno DG FISMA, posebno osjetljiva i na potencijalni „greylisting“, te u takvim okolnostima može biti rezervisana u pogledu davanja pozitivne ocjene za pristupanje SEPA području.

Međutim, važno je naglasiti da eventualno stavljanje Bosne i Hercegovine na „grey listu“ ne bi značilo automatsku obustavu ili dugoročno zaustavljanje SEPA procesa, niti bi podrazumijevalo obavezu čekanja formalnog skidanja sa „grey liste“. Suštinski, bilo bi potrebno otkloniti razloge koji su doveli do eventualnog „greylistinga“, nakon čega bi se proces mogao nastaviti pozitivnim tokom.

Centralna banka Bosne i Hercegovine izražava očekivanje i nadu da će preostali entitetski zakoni biti usvojeni u što skorijem roku, kako bi aplikacija Bosne i Hercegovine za pristupanje SEPA području mogla biti predata bez dodatnih odlaganja. Istovremeno, očekuje se da će postojati dovoljan nivo političke volje i institucionalnog razumijevanja da se, čak i u slučaju eventualnih izazova povezanih sa „greylistingom“, hitno pristupi otklanjanju identifikovanih nedostataka, kako bi Bosna i Hercegovina tokom 2026. godine dobila pozitivan odgovor i bila primljena u SEPA područje.

Pristupanje SEPA području predstavljalo bi važan korak ka finansijskoj integraciji Bosne i Hercegovine sa Evropskom unijom, uz očekivane koristi koje uključuju brža, sigurnija i jeftinija plaćanja u eurima, smanjenje troškova za građane i privredu, bolju povezanost sa evropskim tržištem i jačanje konkurentnosti domaćeg finansijskog sistema.

S poštovanjem,

**GUVERNERKA**

**dr. Jasmina Selimović**



*Jasmina Selimović*

**Dostaviti:**

- naslovu
- a/a